



estas ĉiumonata gazeteto por Esperantistoj en Halifax-Dartmouth,  
Upper Rawdon kaj aliloke en Nov-Skotio (kaj ankaŭ la mondo).

Numero 181

Majo 2001

Laborantoj:

Bob Williamson — Redaktoro, preskontrolisto  
Stevens Norvell — kompostisto  
Geoffrey Greatrex — preskontrolisto  
Reni Porter — Presisto, enpoŝtigisto, kontisto  
Sendu leterojn kaj artikolojn al:

Bob Williamson  
329 Poplar Drive  
Dartmouth, Nova Scotia  
KANADO B2W 4K8  
bob.williamson@ns.sympatico.ca

Sendu abon-monon al:  
Reni Porter  
71 RidgeValley Road  
Halifax, Nova Scotia  
KANADO B3P 2E5

Abono por Kanado aŭ Usono estas \$8 (kanadaj) kaj por aliaj landoj estas \$15



## MALSANOJ DE LA NERVOSISTEMO EN CENTHEKTARA ARBARO




En la februara numero de *Inter Ni* estis recenzo. Temis pri ĉarma ŝercartikolo en veterinaraj periodaĵoj pri malsanoj de pluŝursoj. Nun ŝajnas ke tia humuro troviĝas ne nur ĉe bestokuracistoj. En la **Kanada Medicin-Asocia Ĵurnalo** (la 12an de decembro, 2000, Vol. 163, N<sup>o</sup> 12, paĝoj 1557-1559), aperis artikolo kiun verkis teamo de pediatriaĵ neŭrologoj en Halifaxo. La aŭtoroj (Sarah E. Shea, Kevin Gordon, Ann Hawkins, Janet Kawchuk kaj Donna Smith) studis la animalojn kiuj loĝas en la arbaro kie ludas eta knabo, Kristoforo Robin. Oni povas legi pri la afero en vaste legata libro fare de A. A. Milne, *Winnie-La-Pu* (unua eldono 1925), kiun el la angla tradukis I. Reed kaj R. Lewin, kaj eldonis E. P. Dutton, New York, 1972.

La ĉefrolulo en la fantazia libro estas pluŝurso nomata Winnie-La-Pu (angle: Winnie The Pooh) (pr: ŬIN-i-la-PU). La kanadaj kuracistoj opinias, ke la eta ŝajnurso suferas de sindromo de atentomanko kaj hiperaktiveco (AMHA). Ili ankaŭ maltrankviliĝas pri la obseda konduto de la besteto pro ties psika fiksiĝo al manĝado ĝenerale kaj aparte al manĝado de mielo. Tia konduto kondukas al obezo. La aŭtoroj demandas, ĉu la urseto suferas pro skuitursida sindromo (tipo de cerba vundo), la rezulto de nenormala metodo de transporto (Kristoforo Robin kutime tenas la dorlotbeston per unu pluŝbrako kaj permesas la urskapon frapi la ŝtuparon).





La aŭtoroj diagnozas en la azeno, Eeyore (pr: I-or), sindromon de deprimado pro ŝoka sperto, en ĉi tiu kazo pro amputo de la azenvosto. Ili opinias, ke Strigo suferas legkapablan misstaton, kaj ke la kuniklo, Rabbit (pr: RA-but), suferas de narcisismo ĝis patologia grado. Ili rimarkas, ke la kangaruo, Kanga (pr: KAN-ga) estas senpartnera patrino kiu estas senlabora kaj nenormale troprotektita pri sia ido. Tigger (pr: TIG-er), la pluŝtigreto, kiel Winnie-La-Pu, afliktiĝas pro la sindromo AMHA. Por ĉiu ano de la bestaro la verkistoj ne nur malkovras diagnozo(j)n, ili ankaŭ preskribas al ĉiu taŭgan medikamenton kaj faras sugestojn por trakti la respektivajn psikologiajn kaj sociajn problemojn.



Pu”.

Ĉe Kristoforo Robin mem, la aŭtoroj ĝis nun ne rekonas iun diagnozeblan malsanstaton, sed ili rimarkas ke estas nebonprognosa manko de gepatra direkto dum li ludas en la Centhektara Arbaro kun sia bestoamikaro. Ili ankaŭ spekulativas, ke povus estontece minaci la knabeton problemo pri seksa identiĝo. Ili starigas la demandon, ĉu povintus profunda psikologia (eĉ Freŭda) kialo, ke la knabeto elektis por sia pluŝurso la nomon, „Winnie-La-

— Steĉjo


## LETERO DE BRITA KOLUMBIO

Olga du Temple de Vankuvera Insulo (kaj nia Ĉefdelegito de U.E.A.) bonkore skribis nin pri lastatempa numero de *Inter Ni*: „La [januara] numero estis por mi ege interesa – kaj amuza – pro du kialoj:

„Mi mem estas arktofilo [= pluŝurskolektanto] ... En mia domo la pluŝaj estaĵoj, ‚molaj statuetoj’, estas ĉie. Kaj nun mi scias, ke ekzistas eĉ specialistoj-veterinaroj por ili, kaj kien turni min por helpo, se iu mia pluŝulo estus vundita!!

„La alia interesa afero estis la informo pri la Meza Moravio, pri la regiono de Haná, kaj pri la historia urbo Olomouc – mia naskiĝurbo.

„Koran dankon al ... ĉiuj Inter-Ni-anoj.”



Ŝili: Mi ŝatas nur klasikan muzikon.

Liŝi: Ĉu vere? Ĉu la grekan aŭ la latinan?



Solvo al la marta krucvortenigmo. (Ne gvatu se vi ankoraŭ ne penis!)



T	O	M	A	T	O		K	R	U	E	L	A
O		U			K	i	A			J		M
M	E	S	O		S		R		K	R	i	i
E		O		T	i	N	E	O		O		K
M					D		S					O
A		K		F	I	L	I	O		U		J
	B	A	K	I		I		V	A	Z	O	
K		J		D	O	R	N	O		I		N
A					R		E					E
T		K		K	A	R	N	O		R		P
I	R	I	S		N		I		L	A	V	I
D		A			Ĝ	U	E			N		N
O	M	L	E	T	O		L	E	G	O	M	O



— Refoje dank' al Marjorie Boulton

Leganto el Oradea (Rumanio), Prof. Ladislaŭ Simon, sendas al ni tri cerbumilojn. Ĉu vi povas solvi ilin?

- Kiom da piedoj havas entute unu kokino, ses hundoj kaj sep palpigradioj? (Tiu lasta termino ne troviĝas en esperantaj vortaroj, sed ne gravas, oni povas preizoni la ĝustan respondon). La proponitaj respondoj el kiuj oni devas elekti estas:

A) 46      B) 52      C) 66      D) 78      E) 82
- La averaĝa aĝo de ia familio (gepatroj kaj infanoj) estas 18 jaroj. Sen la 38-jara patro, la averaĝa aĝo de la familio estas nur 14 jaroj. Kiom da infanoj estas en tiu ĉi familio?

A) 2      B) 3      C) 4      D) 5      E) 6
- En la matematika ekvacio  $AB - BA = A$ , AB kaj BA signifas duciferajn nombrojn, en kiuj la samaj literoj korespondas al la samaj ciferoj. Kiu cifero estas B?

A) 5      B) 6      C) 7      D) 8      E) 9